

BATAKURU PUULUSA HAA E

BE GALAASI BEN

1 ¹ Immorde e an min Puulusa, oo *sahaabaajo, mo tawata hinaa yimbe ben todfii dun, hinaa kadi e hay gooto dun rewi si hinaa e Iisaa Almasiihu on e Alla Baabaajo on, on Immintindo mo e hakkunde maybe ben, ² wondude e musibbe be mi wondi ben fow, haa e mon onon ngal *moftal Iisaa wongal Galaasi.

³ Yo moyfere e buttu wonan on immorde e Alla Baaba men, e Iisaa Almasiihu Joomi on, ⁴ on ittudo hoore mun sadaka fii junuubaaji men din fii dandugol en e nguu jamaanu bonngu fewndiingu hande, wano Alla Baaba men hoddiri non, ⁵ on mo mangural wonani haa poomaa. Aamiina!

Fii Kibaaru Moyfo Bajjo on

⁶ Mido njaldi fii koo ko yaawudon yiltaade e baawo oo Noddirdo on moyfere Iisaa Almasiihu on, haa ka yahanon kibaaru goo. ⁷ Hara-le kibaaru goo alaa, kono yimbe goo no woodi wonbe on jii'bude, faalaabe boylude *Linjiila^a Almasiihu on.

⁸ Kono hay si ko menen maa malaa'ikaajo iwrufo ka kammu fejjinani on kibaaru goo sertudo e oya kibaaru mo men fejjinannoo on, yo o malkise. ⁹ Hari men yeetinoke on dun ado hande, mido fillitaade kadi: si godfo fejjinanii on kibaaru sertudo e oo mo hendinodon, yo o malkise.

¹⁰ E jooni non, hara ko teddungal yimbe ben mi woni dabbe, kaa ko iwrungal ka Alla ngal? Kaa hara mido dabbe no yimbe ben yidirammi? Si mi faalano haa jooni yo yimbe ben yidan, mi laatotanooko kurkaadu Almasiihu on.

^a1.7 Dun ko Kibaaru Moyfo on.

Fii no Puulusa Fejɲiniranaa Kibaaru Moyɔ on

¹¹ Mi andinii on, yo musiɓɓe an, oo Kibaaru mo mi fejɲinani on hinaa iwruɗo e nedɗanke. ¹² Ko fii min mi heɓiraali mo nedɗanke, awa kadi wonaa nedɗo jannimmi mo, kono ko Iisaa Almasiihu on tigi fejɲinanimmi mo.

¹³ On naniino fii dee kuude an e saa'iiji goo wa fewndo ko mi woni ka diina *Yahuudiyanke, dun ko fewndo ko mi cukkii moftal Alla ngal haa feyɣiti, mido lanca. ¹⁴ E nder kan diina Yahuudiyanke, hari mido ɓuri goreeɓe an buy e hakkunde lejol an ngol, ko fii hari mido ɓuri ɓe himme tiidudo fii aadaaji baabiraabe amen ben. ¹⁵ Kono, nde Allaahu on, on Subinoodo lan gila ka teege yumma an, dun ko on Noddirɗo lan moyɣere mun nden, ¹⁶ o tawno no moyɣi ka o fejɲinanammi Bidɗo makko on fii no mi weeɓtirana mo ɓe wonaa Yahuudiyanke ben, laatii mi landaaki hay gooto. ¹⁷ Kono e hoore dun mi yaaraali kisan *Yerusalaam fii yiidoɣol e adiiɓe lan toddeede ben, kono mi yaari ka leydi Aarabu. Bawto dun mi yiltitii Damaasi.

¹⁸ Ko duubi tati bawto dun si mi yahi Yerusalaam fii yiidoɣol e Petruusu. Mi woni ka makko don e nder balde sappoo e jowi. ¹⁹ Kono hari dun fow, mi yiidaali e sahaabaajo goo, si hinaa Yaaquuba, dun ko miɲɲiraawo Joomi on. ²⁰ E nder koo ko mi woni on windande dun, e hino Alla no reeni, mi fena. ²¹ Bawto dun mi yahi e nder dee leyde Sirii e Silisii. ²² Kono hari mofta Almasiihu wonde e diiwal Yahuuda den yi'aali lan. ²³ Be naniino tun no wi'ee wonde: Oo cukkinoodo ɓe oya tuma, no waajaade e ngal gomɗinal ngal o faalanoo lancude. ²⁴ Jooni hiɓe mantude Alla fii an.

Fii Pottal Sahaabaabe ben Yerusalaam

2 ¹ Duubi sappoo e nay bawto dun, mi yiltitii Yerusalaam, mi yiltodi e Barnabaasi e Tiituusa. ² Ko sabu fejɲinaneede mi yiltitori ton. Mi holli ɓe daaluyee Kibaaru Moyɔ mo mi fejɲinani ɓe wonaa Yahuudiyanke ben on. Mi fejɲinani dun burɓe

teddude ɓen e nder gundoo, fii wota taw ko mi gollunoo kon e ko mi woni gollude kon ko meere. ³ Kono fii kala oo mo mi wondunoo ko mo lejol goo, ɗun ko Tiituusa, oo *Gereekiyankeejo, ɓe wi'aano bee o *sunninee. ⁴ Kono waditiibe musibbe men no suudinoo lombii hakkunde amen fii tefugol anda fii hettaare wonannde en e Iisaa Almasiihu on e faale maccindingol en. ⁵ Kono men jabanaano ɓe ɗun hay nde wootere, men yankinanaaki ɓe kadi, fii no goonga wondo e nder Kibaaru Moyyo on tabitira e mon.

⁶ Kono laatii, ɓee wa'ube wa si ko burbe teddude, ko ɓe wonnoo woo ko seeda hitti e an, ɓay Allaahu on hinaa dambe ndaarata, ɓen beydaano huunde e ko mi woni waajaade kon. ⁷ Kono ɓe ndaari ɓe tawi ko mi halfiniraa daaluyee Kibaaru Moyyo on ko fii ɓe sunninaaka ɓen, ɗun ko ɓe wonaa Yahuudiyanke ɓen, wano Petruusu halfiniraa non Kibaaru Moyyo on fii sunninaabe ɓen, ɗun ko Yahuudiyankebe ɓen. ⁸ Ko fii ko on Alla huutorɗo Petruusu, wadi mo *sahaabaajo fii Yahuudiyankebe ɓen, ko kanko kadi huutorimmi, wadimmi sahaabaajo fii ɓe wonaa Yahuudiyanke ɓen. ⁹ Nde tawnoo Yaaquuba e Petruusu e Yuuhanna, jogoraabe wa tugaale dental ngal, fellitii fii moyyere nde mi yedaa nden, ɓe tamindiri juude amen jaame ɗen, min e Barnabaasi, fii nabidal amen, fii yo menen men yaaru ka ɓe wonaa Yahuudiyanke ɓen, kambe ɓe yaara ka Yahuudiyankebe ɓen. ¹⁰ Be yamiri men kadi anditugol miskinbe ɓen, ɗun ko ko mi hebulanii wadugol.

Fii Yeddondiral hakkunde Puulusa e Petruusu

¹¹ Kono nde Petruusu arnoo Antiyoosi-Sirii mi feli mo e kene, sabu tawde ko o felniido. ¹² Ko fii, ado yimbe ɓe Yaaquuba immini goo arude, hari o jaamiday e ɓe wonaa Yahuudiyanke ɓen, kono ɓay ɓen arii, o takkitii, o wonti feere, sabu kulol ɓen Yahuudiyankebe gomɗinbe, catii e sunninegol ɓen, ¹³ haa ɗun woni sabu

beya Yahuudiyankebe nembu mo kanko Petruusu e ngal faasiqiyaagal, haa ðun poodori hay Barnabaasi, o tawti be e ðun.

¹⁴ Kono nde mi ndaarunoo, mi tawi be alaa yaarude no feewiri e no yaadiri e goonga Kibaaru Moyfo on. Onsay mi holli Petruusu e tawnde fow ðundoo, mi wi'i mo: «Si tawii an Yahuudiyankejo on, a wa'ii wa mo wonaa Yahuudiyanke, a iwtii noone Yahuudiyanke, haray ko honno waawirtaa doolirde be wonaa Yahuudiyanke'en jokkugol aadaaji Yahuudiyanke'en?»

¹⁵ Menen non, ko men jibinannde Yahuudiyanke, wonaa men be ðiya leyfi junuubankeji, ¹⁶ kono men faamii wonde goddo jogortaake feewudo sabu doftagol Sariya on, kono ko sabu gomdingol Iisaa Almasiihu on. Ko ðun wadi si menen kadi men gomdini Iisaa Almasiihu on, fii yo men jogore feewube sabu gomdinal ngal gomdinden Iisaa Almasiihu on ngal, hara hinaa sabu doftagol Sariya on. Ko fii hay gooto jogortaake feewudo sabu doftagol Sariya on.

¹⁷ Si tawii, e nder ko dabbeten jogoreede feewube kon sabu humondiral e *Almasiihu on, haray bangii wonde enen kadi ko en junuubankebe, taw si ðun no firi wonde Almasiihu on no wonani junuubu? Oo'o! ¹⁸ Si mi wonii e mahitugol ko mi libunoo kon, haray min tigi mi holli ko mi bondo. ¹⁹ E telen-ma Sariya on, ko mi maydo ka banje Sariya fii no mi wuurirana Allaahu on. ²⁰ Jooni mi fempidaama e Almasiihu on. Hinaa min tigi wuuri jooni, kono ko Almasiihu on wuuri e an. Dan ngurndan ðan mi wuuri jooni ka bandu, mido wuuriri gomdingol *Biddo Alla on, on Yidudo lan, itti hoore mun sadaka fii an. ²¹ Min mi bugitotaako moyfere Alla nden, ko fii si tawiino peewal ko Sariya heborta, harayno Almasiihu on ko meere maayani.

Fii Sariya e Gomdinal

3 ¹ Ko onon yo be Galaasi njofooɓe, ko hombo mbildori on nii, onon bee banginanaabe ko laabi poy fempegol Iisaa Almasiihu on? ² Jooni ko ðundoo tun mi

faalaa andude e mon: hara ko sabu wadugol ko Sariya on yamiri kon hebirdon Ruuhu Allaahu on, kaa ko gomdingol ko hedidon kon? ³E jaa ko nii njofirdon? E on fuddor Ruuhu Allaahu on, gaynitoron jooni wakkilaare bandu? ⁴E hara kon ko tampunodon fow wonay meere? Mido tanyinii wonataa meere! ⁵E hara oo Wondo wadude dii kaawakeeji moyyi e hakkunde mon, dun ko on Yedudo on Ruuhu mun on, ko woni di wadirde ko fii hidon wadude ko Sariya on yamiri on kon, kaa ko fii hidon hedorde gomdinal?

⁶Ko fii no windii wonde: «Ibraahiima gomdini Alla, ngal gomdinal makko jogoranaa mo peewal.»^{b7} Awa faamee wonde, gomdinbe ben ko bibbe Ibraahiima. ⁸Awa kadi bindi din no wi'i wonde Alla jogitoroyay be wonaa Yahuudiyanke ben feewube sabu gomdinal ngal, dun ko ka Allaahu on adii feyninde Kibaaru Moyyo on e Ibraahiima don, o daali: «Leyyi din fow barkinte sabu maa.»^{c9} Ko dun wadi ben gomdinbe barkindinte e Ibraahiima, on gomdinnodo.

¹⁰Kala ben hoolorbe Sariya on, haray ko e nder kuddi be woni, ko fii no windii: «Kuddi no e hoore kala on mo tabitaali e huutorgol ko windii kon fow ka nder deftere Sariya.»^{d11} E hoore dun, no laabi poy wonde hay gooto jogortaake feewudo sabu Sariya on yeeso Alla, ko fii no windii: «Feewudo on wuuriray gomdinal ngal.»^{d12} Awa Sariya on hottaaki gomdinal. Ko fii no windii wonde: «Kala doftido dee yamirooje, o wuuriray de.»^{e13} Ko e nder ko kuddi ndin wontani *Almasiihu on fii men kon, o sotti en e ley kuddi Sariya on, ko fii no windii: «Kuddi wonanii kala on wengaado e leggal»,^{f14} dun ko fii no barki Ibraahiima hewtira leyyi din fow

^b3.6 Fud. 15.6

^c3.8 Fud. 12.3, 18.18, 22.18

^d3.10 Yaj. 27.26

^d3.11 Hab. 2.4

^e3.12 Lew. 18.5

^f3.13 Yaj. 21.23

sabu Iisaa Almasiihu on, e hara kadi en hendorto fodaari Ruuhu Allaahu on gomdinal ngal.

Fii Sariya on e Fodaari ndin

¹⁵ Musibbe, mido yettude misal e hoore men. Si goddo aru e wasiyaade, kala ko o wasiyii, hay gooto waawataa firtude dun maa beydita godfun e hoore dun.

¹⁶ Kono fodaariiji din ko e hoore Ibraahiima e jurriya mun on woni. Kanko Alla o wi'aali «jurriyaaji din», wa si tawii ko di buy, kono ko gooto o wi'i «jurriya maa on»,^gdun-le ko Almasiihu on. ¹⁷ E hino ko mi woni wi'ude kon: Sariya ardo duubi teemedde nay e cappande tati gaanin *ahadi ndi Allaahu on wadunoo ndin waawataa firtude maa mehindina ndin fodaari. ¹⁸ Ko fii si tawno ndondi ndin ko ka Sariya iwri, haray ndi fawaaki e fodaari. Kono ko sabu fodaari ndin Allaahu on yefiri Ibraahiima ndin ndondi.

¹⁹ Jooni ko sabu hondun addi Sariya on? Ko sabu geddi addi Sariya on, haa nde on jurriya fodaado ari. Ko malaa'ikaabe ben fejnini Sariya on, kono be rewii e hakkundeejo. ²⁰ Hakkundeejo non wonaa sengo wooto wonirta, Alla-le ko gooto.

²¹ Dun haray Sariya on ko liddiido fodaariiji Alla din? Kono hinaa non! Si tawii sariya on ko gasoowo wurnude addanoo, harayno peewal ngal ko e makko iwaynoo. ²² Ko dun wadi si bindi din wi'i fow no soka e ley junuubi, fii no fodaari ndin yefiree gomdinbe ben sabu ko be gomdini Iisaa Almasiihu on kon.

Fii Gomdinal ngal e Ronugol Fodaariiji din

²³ Ado gomdinal ngal arude, hari hiden sokii e ley joge Sariya on, haa ngal gomdinal araynoongal feeja. ²⁴ Hari Sariya on ko ngaynaako men fii ko ardoo en e Almasiihu on, fii no jogoreden feewube sabu gomdinal ngal. ²⁵ Bay ngal gomdinal arii, en alaa e ley kongol on ngaynaako han kadi.

^g3.16 Fud. 12.7, 12.15, 24.7

²⁶ Ko fii on fow ko on biɓɓe Alla sabu gomɗinal ngal gomɗindon Iisaa Almasiihu on ngal. ²⁷ Onon *lootaaɓe maande kisiyee e nder humondiral e Almasiihu on ben fow, on ɓornike Almasiihu on. ²⁸ Yahuudiyankeejo maa *Gereekiyankeejo, maa maccudo maa dimo, maa debbo maa gorko, alaa hande kadi. Ko fii on fow ko on gooto e nder humondiral mon e Iisaa Almasiihu on. ²⁹ Awa-le si tawii hidon humondiri e Almasiihu on, haray ko on jurriya Ibraahiima, ronoobe fodaari ndin.

4 ¹ Ko mi woni wi'ude: fannin ronoowo on ko paykun, haray alaa fus ko o serti e maccudo. Fii kala ko kanko jeyi fow, ² haray hikun e ley kongol ne'ooɓe kun ben e fewjanoobe kun ben, haa e saa'i mo ben makkun happi on timma. ³ Enen kadi wano non, wa fewndo ko wonden fayɓe, hari ko en maccube dii mbawdiiji adunyankeeki. ⁴ Kono bay saa'i on hewtii, Allaahu on adduno Biɗɗo makko on, on mo debbo jibini, jibinaado e ley Sariya on, ⁵ fii sottugol ben wonɓe e ley Sariya on fii no jogoreɗen wa biɓɓe. ⁶ Bay ko en biɓɓe, Alla addii ka berɗe men Ruuhu Biɗɗo makko on, ɗun ko on Ruuhu wondo ewnaade «Abba» e maana Baaba. ⁷ Dun haray hinaa a maccudo hande kadi, kono ko a biɗɗo. Si tawii-le ko a biɗɗo, haray ko a ronoowo immorde e Alla.

Fii Annde Puulusa nden fii ɓe Galaasi ben

⁸ Wa fewndo ko on andaa Alla, hari ko on maccube sanamuuji ɗi tawata wonaa godɗun tigi e oo aduna. ⁹ Jooni non on andii Alla, e tentinii non jooni ko on ɓe Alla andi, ko honno non yiltitorɗon e dii mbawdiiji mehi lo'ufi? E hara on faalaa ɗe maccindinanaade kadi? ¹⁰ Hidon hittina fii jalaade ɗen e lebbi ɗin e saa'iiji ɗin e duubi ɗin. ¹¹ Midɗo huli fii mon, wota taw koo ko mi yanganii on ko meere.

¹² Musiɓɓe an, wa'ee wa an min, ko fii min mido wa'i wa mon, yandi mi jeejii on! Ko fii on bonaaki e an. ¹³ Hidon maanditii ka aranun ko sabu nawnaare an mi heɓiri feere feɓɓinangol on Kibaaru Moyyo on. ¹⁴ Hidon waawunoo non ronkude teddingol lan maa bugitoo lan sabu jawu an ngun, kono on wadaali ɗun! Ka liddu

dun, on tolnirno lan wa malaa'ikaajo Alla maa wa Iisaa Almasiihu on tigi. ¹⁵ Ko honto weltaare mon nden woni jooni? Ko fii mido seeditanaade on dundoo: si no gasaynoo, on borayno gite mon den, wattanon mi. ¹⁶ Haray e nder ko mi yeetotoo on goonga kon, mi wonii gajo mon?

¹⁷ Awa himme mo be joganii on on hinaa moyyo, ko be faalaabe sortude on e amen, fii no tawtiron be. ¹⁸ No moyyi ka goddo heba himme moyyo saa'i woo, hara hinaa si mido hakkunde mon tun. ¹⁹ Faybe an, mido joganii on kadi muuseendi nata haa wa'on wa *Almasiihu on. ²⁰ Mido faalaa wondude e mon jooni, mi yewtira on noone goo, ko fii mido aanani on.

Fii Maccangaaku e Ndimankaaku

²¹ Andinee lan, onon bee faalaabe wonude e ley Sariya on, si on faamaali ko Sariya on wi'i kon. ²² Ko fii no windii, Ibraahiima no mari bibbe dido: goddo on ko mo kordo jibinani mo on, oya on ko mo dimo on jibinani mo on. ²³ Mo kordo on, ko jibiniraado faale bandu, kono mo debbo dimo on, ko jibiniraado fodaari ndin. ²⁴ Dun ko misal nii: rewbe ben dido, ko ahadiiji din didi, *ahadi goo ko ndi Fello *Sinaayi ndin, bibbe mayri ben ko maccube, dun ko Haajirata. ²⁵ Ko ngon Fello Sinaayi wongo ka leydi Aarabu woni Haajirata, hingo wa'i wa saare Yerusalaam handeere nden, bay hinde e nder maccangaaku, kayre e bibbe mayre on. ²⁶ Kono saare Yerusalaam dow-dowre nden ko dimo on, ko on woni yumma men Saarata. ²⁷ Ko fii no windii:

«Welto yo an mo jibintaa, an mo jiidotaako!

Sowtu weltaare, ewnoda, dun ko an mo andaali muuseendi nata!

Ko fii ko bibbe on wuldaado

burata duudude edii on debbo wondudo e moodi on.»^h

^h4.27 Isa. 54.1

²⁸ Ko fii, yo musibbe, onon kadi ko on bibbe fodaari ndin, wano *Issaaqa non.

²⁹ Awa kadi, ko wano ko feyyunoo kon, on hebiranoodo faale bandu, bittinayno on hebiraado Ruuhu, ko dun fewndii kadi jooni. ³⁰ Ko hondun bindi din wi'i? Ko: «Rado kordo on e bidde mun on, ko fii bidde kordo on ronidataa e mo debbo dimo on jibini on.»ⁱ³¹ Ko wano non yo musibbe, hinaa en bibbe kordo on, kono ko en be debbo dimo on.

Fii Ndimankaaku Men Sabu Almasiihu on

5 ¹ Ko fii no woniren rindinaabe wadi si *Almasiihu on rindini en. Awa wonee tabitube, wota on yiltitu hoore mon kadi e ley boggol maccangaaku.

² Ko dun wadi, min Puulusa, mi wi'ay on wonde si on etike fii yo on sunnine, haray Almasiihu on nafataa on huunde. ³ Awa mi fellintinanay kala neddo kadi wonde si etike haa sunninaama, haray himo haani jokkude Sariya on fow. ⁴ Onon bee wonbe dabbe no jogitoree feewube ka Sariya, on seedii e Almasiihu on, awa kadi on woddondirii e moyyere Alla nden. ⁵ Kono enen, tama'u men on ko jogoreede feewube yeeso Alla sabu gomdinal men ngal. Ko tippude e Ruuhu on sabbiden on tama'u. ⁶ Ko fii, ko hitti e wonbe e Iisaa Almasiihu on ben kon hinaa *sunninegol maa angal sunninegol, kono ko gomdinal feyniniroowal hoore mun giggol.

⁷ Ko fii hari hidon dogude moyya. Ko hombo non darni on haa hadi on doftagol goonga on? ⁸ Awa nden fewjoore don hinaa e Noddudo on on iwri. ⁹ Ko fii lewen seeda tun yurinay farin jii baado. ¹⁰ Min non mido joganii on ndee hoolaare doo e fee Joomiraado on wonde, on mii jotaako godfun goo. Kono on wondo jii bube on, dun non ko wondo woo, o rondoyto naawoore nden. ¹¹ E min non yo musibbe, si mido waajaade fii nafa sunninegol, haray ko fii hondun kadi mi cukkantee? Si tawno haa jooni waaju an ngun no humii e sunninegol, haray fempeede Iisaa

ⁱ4.30 Fud. 21.10

Almasiihu on ka hoore *leggal altindiraangal accii wonangol yimbe ben peggal.

¹² Yo ben wonbe sonjude on bujito haa daata!

Fii Wuurirgol Ruuhu Allaahu on maa Mbeleede Bandu

¹³ Musibbe, jooni on noddaama ka ndimankaaku. Wota on baaror ngun ndimankaaku mon fii wadugol mbeleede bandu, kono kurkondirane e nder giggol. ¹⁴ Ko fii Sariya on fow no timmi e nder aaya gooto, e hino mo: «Yo a yidir jokondo maa on wano yidirdaa hoore maa non.»¹⁵ Kono si on natindirii, on seekindirii wa kulle den, awa reenee wota on mulindir.

¹⁶ Ko dun si mi wi'ay on: wuuriree Ruuhu Allaahu on, dun on jokkataa himmeeji bandu. ¹⁷ Ko fii himmeeji bandu no liddondiri e Ruuhu Allaahu on, on *Ruuhu Seniido kadi no liddondiri e himmeeji bandu, ko di lurrudi kanji didi, fii wota on wadu ko faaladon woo. ¹⁸ Kono si Ruuhu Seniido on ardike on, haray hinaa e ley Sariya on wondon. ¹⁹ Ko fii mbeleede bandu den no waalii e kene, den-le ko jinaa e angal laabal e jiibaare ²⁰ e rewugol sanamu e mbileyaagal e ngayngu e yeddondiral e nawliigu e monee e haasidi e sendondiral e fedde-fedde ²¹ e nganjaneendi e mandilugol e *fasaadu e ko nandi e mun. Mido hadude on, wano mi hadirnoo on non wonde, ben wuurirbe nii heboytaa gebal ka *laamu Alla.

²² Kono ko Ruuhu Allaahu on funtinta kon, ko giggol e weltaare e buttu e mujal e yurmeende e moyfyuki e sella-findeyaagal ²³ e newaare e waawugol hoore mun. Sariya hadaali sifa din piiji. ²⁴ Wonbe e Iisaa Almasiihu on ben fempii bandu mun ndun wondude e himmeeji mun e faaleeji mun. ²⁵ Si tawii ko Ruuhu Seniido on wuurirden, haray yaaden kadi e Ruuhu on. ²⁶ Wota en wonu mawnintiniibe, maa bagondiren, maa nawlindiren.

^j5.14 Lew. 19.18

Fii Tambondirgol, Huuwa ko Moyyi

6 ¹ Musiɓɓe, si godɗo e mon aru e wadugol bonnere, haray onon, ɓe Ruuhu on ardii ben, wurtiree mo hakkil newiiki. Onon tigi reenodon, fii wota onon kadi on jarribe. ² Rondondirane e anndeeji mon ɗin. Ko non timminirton Sariya *Almasiihu on. ³ On mo no sikki ko o godɗun, hara-le hinaa o huunde, haray o daynitike kanko tigi. ⁴ Mo kala yo tasko kuude mun ɗen tigi, o yi'anay hoore makko hara hinaa e ɓeya, ɗun o anday no o mantora, ⁵ ko fii mo kala no haani rondaade dongal mun ngal.

⁶ Yo on wonaado janneede daaluyee on sendodu kala piiji moyyi e wondo mo jannude on.

⁷ Wota on daynito, ko fii Alla yawitetaake, ko fii kala ko godɗo sanki ko ɗun o wa'ata. ⁸ Mo sankii mbeleede bandu wa'ay e mayru halakuyee, kono on sankudo faale Ruuhu on, o wa'ay e makko *ngurndan poomayankejan. ⁹ Wota en haabu wadugol ko moyyi, ko fii en wa'oyay e saa'i haanudo si maayu bernde hebaali en. ¹⁰ Ko ɗun wadi, fewndo ka weebani en ɗon, wadanen yimbe ben fow ko moyyi, tentinii musibbe men ben ka gomɗinal.

Rawnoode Batakuru Puulusa ndun

¹¹ On yi'ii ittiri bindi njani ɗi mi windirani on jungo an ngon ɗin. ¹² Kala ben faalaabe wadude ko welata yimbe ben kon, ɓe karhay on fii *sunninegol, hara ko fii tun wota ɓe tampine sabu *leggal altindiraangal Almasiihu on. ¹³ Ko fii hay kambe sunninaabe ben tigi ɓe jokkataa Sariya on, kono ko ɓe faalirtee yo on sunnine, ko fii no ɓe mantora e hoore mon. ¹⁴ Min non hinaa non! Ko fii mi mantortaa huunde si hinaa leggal altindiraangal Iisaa Almasiihu Joomi men on. Sabu maggal aduna on maayii telen-ma an, min kadi mi maayii telen-ma aduna on. ¹⁵ Awa hinaa sunninegol maa angal sunninegol hitti, kono ko ko Alla heyɗintini en kon hitti. ¹⁶ Yo buttu e yurmeende wonan kala jokkudo ndee

yamiroore, hay e *Isra'iila mo Alla. ¹⁷ Ka heddii doo, wota hay gooto tampinan, ko fii battaate Iisaa den no ka bandu an. ¹⁸ Yo moyƴere Iisaa Almasiihu Joomi men on wonu e berde mon, yo musibbe. Aamiina!

ÉPÎTRE DE PAUL AUX GALATES

en Langue Pular (Fouta-Jalon)

République de Guinée

© 2013 Traducteurs Pionniers de la Bible

en collaboration avec

Mission Protestante Réformée